

Minnispunktur frá fundi sveitarstjóra um mögulegt samstarf um Skipulags- og byggingamál í Rangárþingi ytra, Rangárþingi eystra, Mýrdalshreppi og Skaftárhreppi.

Staður og stund: Hvolsvelli, 18.1.2017 kl 13:00-14:20

Mætt: Ísólfur Gylfi Pálmason, Ásgeir Magnússon, Sandra Brá Jóhannsdóttir, Ágúst Sigurðsson (punktar).

Fundarefni: Á fundi sveitarstjórnar Rangárþings eystra 10.11.16 var samþykkt tillaga um viðræður um aukna samvinnu eða sameiningu embættis skipulags-og byggingafulltrúa og lagt til að sveitarstjórn kanni áhuga nágrannasveitarfélaga, t.a.m. Ásahrepps, Rangárþings ytra, Skaftárhrepps og Mýrdalshrepps á stofnun sameinaðs embættis skipulags-og byggingafulltrúa.

Greinargerð: Í sífelld flóknara regluverki og á tímum aukinna umsvifa er fyrirséð að umfang skipulags-og byggingamála hjá sveitarfélögum kemur til með að vaxa. Kröfur er varða gæðamál og stjórnkerfi byggingafulltrúa eru sífelld auknar og nýjar kröfur um faggildingu byggingafulltrúa fyrir 1.janúar 2018 munu hafa í för með sér umtalsverðan kostnaðarauka, sem leggst sérstaklega þungt á smærri sveitarfélög. Krafa um skilvirkni og þ.a.l. sérhæfingu verður æ ríkari enda eru markmið sveitarfélagsins að tryggja góða þjónustu og fagmennsku í vinnubrögðum.

Sameining skipulags-og byggingamála og skyldra sviða gæti skilað rekstrarhagræði þegar fram í sækir auk þess sem slíkt stuðlar að framangreindum markmiðum. Við teljum það ekki hafa verið gæfuspor að slíta samstarfi því sem var um skipulags-og byggingafulltrúa Rangárþings bs. og teljum sameiningu í þeim anda og jafnvel á stærra skala eða fleiri sviðum ákjósanlega kost. Er nærtækt að líta til annarra sveitarfélaga á Suðurlandi í þessum efnum, t.a.m. farsælt samstarf í Uppsveitum Árnessýslu á þessu sviði.

Umræður á fundinum:

Skaftárhreppur: Hefur oft á tíðum verið erfitt að manna þessi verkefni þó lausn sé í sjónmáli núna a.m.k. tímabundið. Hafa áhuga á að skoða meira samstarf. Nú er verið að ráða ófaglærðan mann í samvinnu við Mýrdalshrepp. Benda á að framundan (byrjun árs 2018) eru auknar kröfur til menntunar þeirra sem sinna þessum málaflokki.

Mýrdalshreppur: Samlegðaráhrif af því að hafa þetta sameiginlegt eru kannski ekki mjög mikil því verkefni eru staðbundin. Hinn mikli vöxtur í ferðaþjónustunni setur gríðar pressu á þennan málaflokk og varla hægt að hafa undan með núverandi mannafla. Ef búa á til eitt embætti þá er engu að síður nauðsyn að hafa starfsmenn á öllum starfsstöðvum. Lykilmálið er að hafa öflugt fólk. Kostur að einn bæri ábyrgð – fagleg vinnubrögð væru tryggð þó mannaskipti yrðu. Erfitt getur verið að sérhæfa menn í verkefnum heldur verða viðkomandi starfsmenn að hafa alla þræði í hendi á hverjum stað.

Rangárþing ytra: Brýnna að skoða mögulegt samstarf í skipulagsmálum en verkefnum byggingafulltrúa. Nú er mikið álag vegna mikillar uppbyggingar og undir slíkum kringumstæðum auðvitað ákveðin hætta vegna málafjölda og pressu á málshraða. Getur komið niður á þjónustugæðum og aukið hættu á tvíverknaði í samskiptum við m.a. skipulagsstofnun ofl. og mögulega auknum kostnaði vegna þess. Teknar saman tölur um kostnað við málaflokkinn hjá sveitarfélögum á Suðurlandi í fyrra. Þá kom í ljós að kostnaður var um 18 þ/íbúa að meðaltali og mjög svipaður hjá þessum 4 sveitarfélögum.

Rangárþing eystra: sjá greinargerð hér ofan.

Niðurstaða fundar:

Lagt er til að starfsmenn skipulags- og byggingarmála hjá sveitarfélögunum eigi með sér meira samráð og samstarf, sér í lagi hvað skipulagsmál varðar. Hugmynd væri að mánaðarlega t.a.m. í aðdraganda sveitarstjórnafunda, myndu þeir eiga fjarfund þar sem farið væri yfir þau mál sem efst eru á baugi á hverjum stað og gott væri að eiga faglegt samtal um. Þetta yrði prófað fram á sumar 2017 og þá staðan tekin hver reynslan væri.